











# ରିଜ୍ଞା

ଶ୍ରୀଧୀରେନ୍ଦ୍ରନାଥ ମୁখୋପାଧ୍ୟାୟ

ପ୍ରଣୀତ

ମୂଲ୍ୟ ଆଟ ଆନା ମାତ୍ର

প্রকাশক  
শ্রীসতীশচন্দ্র নাগ  
টাউন ক্লাব—খুলনা ।

মানসী প্রেস  
১৪ এ, রামতল্লু বস্ত্র লেন, কলিকাতা  
শ্রীশীতলচন্দ্র ভট্টাচার্য্য কর্তৃক মুদ্রিত

## উৎসর্গ

যে দেবোপম মহাপুরুষের চরিত্র, আমার আদর্শ ;  
যে মহানুভব গুরুজনের শিক্ষা, আমার গৌরব ;  
যে বিগলিত-হৃদয় হিতার্থীর স্নেহ, আমার গর্ব ;  
যে প্রেমপ্রবণ বন্ধুবরের উৎসাহ, আমার প্রাণ ;

সেই পরমারাধ্য পিতৃব্য

শ্রীযুক্ত হরকুমার মুখোপাধ্যায়

মহাশয়ের শ্রীপাদপদ্মে

তাঁহার চির-শিশু পূজারীর

বিন্ত

‘রচনা’—স্বথে-তৃপ্তে, আনন্দে-বেদনায়

উৎসৃষ্ট হইল ।





## সংগ্রাহকের নিবেদন

সে আজ প্রায় সাত বৎসরের কথা, যে দিন তের বৎসর বয়সের একটা সুন্দর বালক, বিনয়-নম্র লজ্জাজড়িত ফুল্লমুখে, আশাদীপ্ত উদ্বিগ্নের দৃষ্টি লইয়া আমার কাছে আসিয়া দাঁড়াইল ! তার হাতে একখানা কবিতার খাতা । সেই খাতার পাতায় পাতায় তরুণ বালকের কালি-দিয়ে-আঁকা যে হৃদয়ের পরিচয় পাইয়াছিলাম, আজ সেই হৃদয়ের পরিপূর্ণতার উচ্ছ্বাসের—বিশদ অভিব্যক্তির সংবাদটা নিবেদন করিতে আমাকেই মুখ তুলিয়া দাঁড়াইতে হইয়াছে ! কারণ, আমিই তার সাক্ষী ;—আমিই তার কবিতাগুলির সঙ্গে ওতঃপ্রোতভাবে জড়িত ও নিগূঢ় সম্বন্ধে বদ্ধ !

কবির পক্ষ হইতে তার অমূল্য কবিতাগুলির পরিচয় দেওয়া আমার উদ্দেশ্য নহে, সে ভার পাঠকবর্গের উপরই নির্ভর করে । প্রিয়জন চিরকালই বিচার-বিতর্কে, দোষগুণ আলোচনায় অন্ধ ; তাহা যদি সত্য হয়, তবে ‘রিক্তার’ ভিতর দিয়া ‘পূর্ণতার’ অনুভব করা, আমার পক্ষে একটুও দোষের নয় । পাঠকবর্গের কাছে এ আশা কতদূর সফল হইবে—জানি না ; তাঁহারা হয় ত ইহার মধ্যে অনেক রিক্ততা খুঁজিয়া পাইবেন ! যুবকের তরুণ-তরল আশা-আকাঙ্ক্ষাময় হৃদয়ের অভ্যন্তরে প্রৌঢ়-কবি-সৌন্দর্য্যের প্রগাঢ় রসমাধুর্য্য অবশ্যই অনেক সময় ছুপ্তাপা । আধ্যাত্মিক রাজ্যের ভিতরে কামকলার বিকাশবিক্ষেপ অনেক সময়ই রসসৌন্দর্য্যের

হানিকর সন্দেহ নাই, কিন্তু জড়জগতের মধ্যে কোনটাই ত উপেক্ষার নহে ! তাই এ হিসাবে, আমাদের ‘রিক্তা’ যথার্থনামী হইলেও, ‘ভারতবর্ষের’ সম্পাদকের নিকট হইতে সে নিজের পরিচয় যোগাড় করিয়া লইয়াছে !

সাহিত্যক্ষেত্রে কবিতাকুঞ্জ গহন কণ্টকে আবৃত, এই কণ্টক-রাশি অতিক্রম করিয়া কুঞ্জের ভিতর নিরিবিলি বসিয়া বেণুবীণার সঙ্গীত উপভোগ করা বর্তমানকালে বড় কঠিন হইয়া পড়িয়াছে ! এ কষ্ট যাহারা স্বীকার করিতে না চাহিবেন, তাঁহাদের হৃদয়মধ্যে আমাদের ‘রিক্তা’ নিশ্চয়ই অমঙ্গল উৎপাদন করিবে ! ‘রিক্তা’কে দেখিয়া পিছাইলে চলিবে না—তাহাকে বরণ করিয়া লইতে হইবে—অমঙ্গলভয়ে অন্ততঃ গুল সিঁত-তণ্ডুল উৎসর্গ করিয়া সংসারক্ষেত্রে তাহার দোষটাকে ঢাকিয়া লইতে হইবে ! দিনক্ষণ দেখা তাঁহাদেরই সাজে—যাহারা ভাল করিয়া মঙ্গলকে বরণ করিয়া লইয়া আসিবেন ! সংসারে ‘রিক্তা’র আদর কম নহে । নন্দা, ভদ্রা, জয়াকে সঙ্গে লইয়া উপরে থাকুন,—আমরা তাহাদের দিকে কেবল চাহিয়াই থাকিব । ইতি—

ত্ৰীপঞ্চানন ভট্টাচার্য্য ।

শিব-চতুর্দশী, ১৩২২ ।

( কাব্য-স্মৃতিতীর্থ )

## সূচী ।

বিক্রা	...	...	...	...	১
প্রতীক্ষায়	...	...	...	...	৩
লক্ষী	...	...	...	...	৫
স্বর	...	...	...	...	৭
পথে	...	...	...	...	৮
অপেক্ষী	...	...	...	...	১০
মানসী	...	...	...	...	১২
কথা	...	...	...	...	১২
বঞ্চিত	...	...	...	...	১৪
অসময়ে ( কাদম্বরী অবলম্বনে লিখিত )	...	...	...	...	১৬
উদ্দেশে	...	...	...	...	১৯
স্মরণে	..	...	...	...	২১
সন্ধান	...	...	...	...	২১
অনন্ততা	...	...	...	...	২৬
স্নেহময়	...	...	...	...	২৫
শিরী-ফরহাদ ( অভিনয় দর্শনে লিখিত )	...	...	...	...	২৫
বাশরী	...	...	..	...	২৮
তুমি	...	...	...	...	৩০
মুক্তি	...	...	...	...	৩১
ঐকান্তিক	...	...	...	...	৩৩
খেয়া	...	...	...	...	৩৫
সাধনা	...	...	...	...	৩৭
বাহিত	...	...	..	...	৩৮
ইতিহাস ( কপালকুণ্ডলার ইতিহাস )	...	...	...	...	৪০

স্বপ্নছবি ( একটি স্বপ্নদর্শনে )...	...	...	৪৩.
মানসসুন্দর ...	...	...	৪৫
লাভ ...	...	...	৪৮
আকুলতা ...	...	...	৪৮
আশা ( গোল্ডস্মিথের অনুবাদ )	...	...	৫০
সেই ও এই ...	...	...	৫১
আলাপে ( ক্ষণিকের উদ্গাদনা—নিয়তি, অবসাদ ! )	...	...	৫২
স্মৃতি ( সেলি হইতে অনূদিত )	...	...	৫২
নিমেষিকা ...	...	...	৫৫
হাহাকার ...	...	...	৫৭
সিদ্ধুলীলা ...	...	...	৫৮
রাগিণী ...	...	...	৫৯
কবি ...	...	...	৬০
মানবজীবন ...	...	...	৬১
যাত্রী ...	...	...	৬২
প্রার্থনা ...	...	...	৬৬
আকর্ষণ ( মুর হইতে অনূদিত )	...	...	৬৭
দয়াময় ...	...	...	৬৯
কামনা ...	...	...	৭০
প্রেমবন্ধ ...	...	...	৭১
নাম-গান ( কোরস গান ) ...	...	...	৭৪
হিন্দু-ললনা ( কোরস গান )...	...	...	৭৫
বেদনায় ....	...	...	৭৮
সমাপ্তি ...	...	...	৭৯

“অহতশ্চ বিলোভনাস্তরৈঃ  
মম সৰ্ব্বେ বিষয়াস্তদাশ্রয়াঃ  
অহমেকরসস্তথাপি তে  
ব্যবসায়প্রতিপত্তিঃ নিষ্ঠুরাঃ ।”



## রিক্তা

‘আমার’ বলিয়া ভাবিতে আমার, জগতে যা’ কিছু আছে,  
সকলি দেখি ও চরণের তলে আশ্রয় লভিয়াছে।

জীবন, পূজার অঞ্জলি মত

ও রাঙা-চরণে চির অবনত ;

আঁখি চাহি, যেন প্রিয় অনুগত, অপলক তোমা পানে ;  
রসনা অবশ, শ্রবণ বিভল, তব আরতির গানে !

ওগো ও প্রেমাভিমানি !

ভিতর বাহির নিঃশেষ করি’ তোমাতে সকল দানি’  
রিক্তা আজিকে চিন্তা আমার, এইটুকু শুধু জানি ।



## রিক্তা

যত ছবি আমি প্রেম-ভাবাবেশে আঁকি' লই মনোমাঝে—  
সার্থক করি' সকল প্রয়াস তোমার মূর্তি রাজে !

প্রাণের আমার যত আয়োজন  
তন্নয় তব প্রেমে নিমগন,  
মহাসাধকের মন্ত্রমতন অপূৰ্ণ গরিমায়—  
প্রকাশে নিত্য নির্বিকল্প দেবতার প্রতিভায় !

ওগো ও পুরুষ-রাজ !  
বিরাট তোমার মূর্তি আঁকিতে মুগ্ধ-মরম-মাঝ,  
রিক্তা সকল করনা মোর, এই শুধু জানি আজ !

যত কিছু বলি, স্মৃথে বা দুঃখে—বেদনায়, অমুরাগে,—  
সব কথা মোর তব নাম-গাথা বুকে লয়ে সদা জাগে !

আবেগে-বাচাল কথাগুলি মম  
বুদ্বুদ্ব হয়ে ফুটে অল্পপম—  
বিমানে মহান্ প্রণবের সম লভি' এক মহাপ্রাণ—  
এক স্মরে-লয়ে—একটি শব্দে, পায় সবে নির্বাণ ।

ওগো ও প্রাণাভিরাম !  
সেই স্মরে লয়ে গাহি' প্রাণ ভরে' মধুমাথা হরিনাম,  
রিক্তা আজিকে কবিতা আমার—পূর্ণ মনস্কাম ।

## প্রতীক্ষায়

কত যুগ ধরি অনিমিত্ত আঁখি  
প্রতীক্ষায় আছি বসে ;  
অনন্ত কালের প্রবাহের সনে  
কত স্মৃতি আসে ভেসে !  
যত উদ্বেগ-অবশ প্রাণের,  
জলে-ভাসা ছুটি চকিত চোখের  
যত চেয়ে থাকা, বৃথাই সকলি—  
বৃথা সে মন্ত্র-শেখা—  
প্রতীক্ষা করি' বসে আছি যার  
তার তো নিলে না দেখা !

রিক্তা

স্তরে স্তরে চিতে যে চিত্র মধুর  
অরবে জাগিতেছিল—  
অতি অনুরাগে, প্রাণ যার আগে  
শরণ মাগিতেছিল ;  
স্বপনের মত জাগিয়া জাগিয়া,  
তামস আলোকে যা' ছিল নিভিয়া;—  
মোহ-চঞ্চল জীবন আমার  
পড়েছিল পদে নুটিয়া—  
সে কম-ছবির পূর্ণ বিকাশ  
উঠিবে রে কবে ফুটিয়া ।

অতীতের শত জ্বালা অবসানে  
প্রসন্ন স্মৃতিধারা,—  
ব্যথিত নিশার পূর্ণাবসাদে  
মঙ্গল শুকতারা,  
আশা-চিহ্নিত তৃষিত প্রাণ—  
রাগ-বিজড়িত শাস্ত তান,  
আবেগে-অবাক হৃদয়ে আমার  
আসিবে গো কবে ছুটিয়া—  
বিশ্ময় মাঝে সিদ্ধুর শোভা  
উঠিবে রে কবে ফুটিয়া !

উচ্ছ্বাসে মাতি' লুক্ক যেদিন দেবতা-দানবে মিলিয়া,  
মুগ্ধ হৃদয় জলধি মথিল কত না বিপুল যত্নে ;—  
ফেনিল-চূর্ণ-তুফান-ভঙ্গে অজস্রধারে ঢালিয়া,  
পীড়িত সিন্ধু উপহার দিল কত মণি, কত রত্নে !

তৃপ্তি-বিহীন ব্যাকুল ভারতে, অযুত আশীষ করিয়া,  
স্নিগ্ধ মধুর পেলব পরশ বুলাইয়া মহানন্দে ;—  
আনি' দিল তার জীবনের তারা, সব ছুথ জ্বালা হরিয়া,  
পূর্ণা লক্ষ্মী—গাহিল বিশ্ব' সঙ্গীত মধু ছন্দে ।

## রিক্তা

কিরণ-জড়িতা, ফুল-আননা, চকিত-হরিণী-দরশা,  
কাঁতায়নীর স্নেহ-মণ্ডিতা, ধাত্ত-শোভিত হস্ত !  
লাজরক্তিম বিকচ কমল মানি' গুরুতর ভরসা,  
শত-শতদল-শোভি-পদমূলে হৃদয় করিল ন্যস্ত !

কত মন্থ-মথিত-চিত্ত মদিরা-ভরিত আবেশে,  
স্মৃতিত-হৃদয় প্রসারিল বাহু ধরিতে তাহারে অঙ্কে,  
বাস্ত-ব্যাকুল ছুটিয়া পলাল জ্যোতি-ভাতি-ভীত তরাসে—  
মরালী কি কভু খেলিবারে যায় শৈবালময় পঙ্কে !

ওই কোন্ জন মুগ্ধ নয়ন যার সে আনন-উপরে,  
স্তুতিত যথা বারি-ভরা মেঘ ধরণী নিরখে রঙ্গে,—  
স্থির আঁখি যারে নেহারি' শব্দ পশে না কর্ণকুহরে,—  
প্রেম-সম্ভার অর্পণ করি' মিলিলা কাহার সঙ্গে ?

বাহিত-হরি-বিশাল-বক্ষে রভসে মিশিলা হাসিয়া  
কামনার যেথা—সাধনার যেথা—সকলের যেথা পূর্তি !  
আমিও লস্কি ! পাইনি কি তোমা' বার্থ রয়েছে বসিয়া—  
হরিতে যে আমি লস্কী পেয়েছি—দুয়ে-এক-হওয়া মূর্তি ।

## সুর

কোন মায়াবলে বাঁধিয়াছিলে এ ছিন্ন বীণার তার,  
সুর-সপ্তক বাজায়ে মধুরে হে চিরপ্রিয় আমার !

বেদনার সুর—বিষাদের গান,

ক্রন্দন-রোল-পূর্ণিত প্রাণ,

শাস্ত করিলে তুলি' কি মধুর অভিনব স্বাক্ষর !—

কোন মায়াবলে বাঁধিয়াছিলে এ ছিন্ন বীণার তার !

বীণার আমার ছিল না তো কিছু—ছিল না তালের ছন্দ;  
রক্ত, যেগুলি, জালজঞ্জালে সকলি আছিল বন্ধ !

গৈরিক-ভরা গিরি-গুহা মত

উচ্ছ্বাসভরে ফাটিতে চাহিত,

সে বেসুর বাঁশী বাজায়েছিলে কি প্রাণ করি' সঞ্চার ।

কোন মায়াবলে বাঁধিয়াছিলে এ ছিন্ন বীণার তার !

সেই সমসুরে বাঁধা আছে মোর বীণার সকল তন্ত্রী ;

ওগো সুন্দর ! অমোঘ-মন্ত্র-মোহিত-মানস-যন্ত্রি !

সেই সুরে ধীর ললিত আবেশে

উদার-মুদার-তার গাছে মিশে—

সেই সুর বুঝি অসীমে মিলেছে, হয়ে মহা ওঙ্কার !

কোন মায়াবলে বাঁধিয়াছিলে এ ছিন্ন বীণার তার !

## পথে

দিন গেল—কতকাল গেল—

অসাড় মানস জাগিল না,  
আলো যাহা ছিল নিভে গেল  
তোমার পথটি চিনিল না !

চারিদিক ভরা অন্ধকার—

ক্ষীণ তারালোকও নাহিরে,—  
কেমনে দেখিব গৃহ তোমার,—  
পথহারা কাঁদি বাহিরে !

ফিরিতে আমারে দিলে না তো  
 প্রাণপণে তাই ছুটে যাই—  
 সুন্দর, তুমি কোথা আছ—  
 চলিবার মোর ক্ষমতা নাই ।

তোমার যে পথ দেবতা গো  
 সেই পথে প্রভু, চালায়ে নাও—  
 হাতে হাতে মোরে ধরে রাখো,  
 দুর্বল মোরে শক্তি দাও ।

দীপ্তি তব দূর করে দিক্  
 অঁধারের যত আবরণ—  
 প্রেম তব কাছে টেনে নিক্  
 দলিত, অভাগা, পতিত জন !

বুঝায়ে দাও, শিখায়ে দাও  
 ধারণা-ধ্যান—সাধনা-পূজা,  
 আসন তোমার পাতিয়া নাও  
 অনন্ত জুড়ে প্রাণের রাজ্য ।



## অপেক্ষী

আমি জাগিয়া রয়েছি সারা নিশি ; এবে  
হয় বুঝি অবসান !  
“তুমি দেখা দাও—দেখা দাও ওগো  
প্রাণের প্রাণের প্রাণ !”  
আমি হৃদয় চাপিয়া ধরি’  
আকুল আশায় বিপুল আবেগে  
যাপি সারা বিভাবরী !  
অপেক্ষী মোর ব্যাকুল হু’অঁথি,  
তোমারে দেখিতে অনিমেঘ রাখি ;  
প্রতি মুহূর্ত্তে বাজে মোর কানে,  
তোমার চরণ-ধ্বনি ;—  
এই বুঝি তুমি আসিছ তাবিয়া,  
কম্পন বুকে গণি ।

আমি তপ্ত পিয়াসে অঁাখিনীয়ে ভাসি  
বিষম ব্যথিতমন,  
তুমি কথা কও—কথা কও এসে  
ওগো ও আপন জন ।

ভাবি, কি-ধেন-কি মোর নাই—  
 শিশির-সিক্ত বাতাসের মুখে  
 কাহার বারতা পাই !  
 কত আশ্বাসে মরম পূরিয়া,  
 দ্বারপানে শুধু রহিগো চাহিয়া—  
 জমাট বাঁধিয়া হতাশা সেথায়  
 আঁধারে মাখিয়া কায়,  
 ভীতির চমকে উপহাসে মোরে  
 শতেক ভঙ্গিমায় !

আর কতকাল স'ব এ অশেষ ব্যাথা,  
 দূরে দূরে থাকি' সরি,  
 তুমি দয়া কর—দয়া কর সখা !  
 সকল দূরতা হরি' !  
 ওগো সেদিন আসিবে কবে,—  
 তুমি-আমি ছাড়া জগতের মাঝে  
 আর কিছু নাহি রবে,  
 অনুভূতি সব হবে বিদূরিত,  
 দেহ মন প্রাণ হবে বিলুলিত ;  
 কল্লনা-ছবি অন্তরে আনি'  
 চেয়ে র'ব চুপে চুপে ;—  
 রবে গো রবে, গেহে মোর কবে  
 অচল অটল রূপে !

## মানসী

মোর জীবনের ঝঙ্কাবহুল নিবিড় গগন-কোণে,  
হইয়ো তুমি ইন্দ্রধনু, অশেষ রূপের ছবি,—  
বিয়োগ-মাথা—বিষাদ-মাথা মলিন প্রদোষকালে,  
হইয়ো তুমি রঙিন-কিরণ-হাস্ত-ভরা রবি !  
ভক্তি যখন আসবে প্রাণে, মুগ্ধ করি মন—  
হইয়ো তুমি পূজার আমার পূর্ণ নারায়ণ !

## কথা

আজি আসিয়াছি অফুরন্ত বেদনার  
ভার নিয়ে, তোমার গৃহের দ্বারে ; আর  
কি পাব কোথায় আমি ! মগ্ন কোলাহলে  
পশে নাই কর্ণে মোর ‘আয় আয়’ বলে’  
কত যে ডেকেছ তুমি, পাগল হিয়ায়  
ছুটেছি স্বার্থের তরে, প্রবৃত্তি-বহায়  
স্ববৃত্তি ভাসিয়ে দি’ছি,—সব চলে গেছে !—  
শূন্য জড়পিণ্ড এক শুধু পড়ে আছে !

তুমি কি মহান্ ! বিভিন্নতা—অনাদর—  
 সেদিকে ক্রক্ষেপ নাই—করুণা-কাতর  
 আবার ডাকিলে মোরে ;—ধীরে, অতি ধীরে  
 আঘাতিলে মর্মে মোর সে প্রশান্ত স্বরে—  
 খুলিল প্রাণের দ্বার ; আলোকে তোমার  
 দূরে গেল অবসাদ ; মলিন আঁধার  
 মানস উঠিল ভাতি ; শিরায় শিরায়  
 উদ্বেল আবেগধারা উথলিয়া যায় ।  
 হে আত্মীয়, প্রাণারাম ! হৃদয়ের ধন !  
 স্বরূপে-স্বরূপে তোমা চিনিব এখন !  
 সঞ্চিত বাসনা দিব তোমাতে ঢালিয়া,  
 বঞ্চিত প্রণয়ে লব তোমাকে বরিয়া,—  
 যত মলিনতা মোর স্তূদূরে পলাবে—  
 অনন্ত মিলনে ছুয়ে-এক হয়ে যাবে !

---

## বঞ্চিত

এই তো তখন আদরে গুণালে  
মোহন মিলন তান,  
এই তো তখন 'আসি আসি' বলে',  
মাতাইয়া দিলে প্রাণ !  
স্বপ্ন-ছাওয়া কত কল্পনা ছবি  
উতলা পরাণে জাগিল না জানি !  
অধীর আবেগে মাতিল পরাণী  
মধুর তোমার স্নেহে—  
রোমাঞ্চ রাশি গড়া'য়ে ছড়া'য়ে  
পড়িল সারাটি দেহে !

বিলুপ্ত হ'ল অমুভূতি মোর  
 আবেশে পুরিল হিঙ্গে—  
 পাগল অধীর রহিলু তোমার  
 আশাপথ পানে চেয়ে ;  
 পাখীটি নড়িলে, পাতাটি কাঁপিলে ;  
 আসিছ ভাবিয়া সচকিতচিত্তে,  
 বিচলিত আঁখি, চাহি চারি ভিতে  
 ব্যাকুল মরম-টানে,—  
 কি আবেগে-ভরা কাতর পরাণ  
 সে কথা কেহ না জানে !

কতজন এসে কতজন গেল  
 গণিলাম ধীরে ধীরে—  
 কাঁদিলাম,—“বল, কোথা সে আমার”  
 কেহ না চাহিল ফিরে !  
 বড় গুরু ব্যথা বাজিছে পরাণে,—  
 সকল প্রবোধ পরাভব মানে,—  
 কতকাল রব এ গভীর ধ্যানে  
 বক্ষ চাপিয়া ধরি',—  
 কতদিনে ল'বে পাষণ দেবতা,  
 আমারে তোমার করি' !

## অসময়ে

সেদিন প্রভাতকালে

পত্র-পুষ্প-অন্তরালে

ঝিল্লি-তানপূরা-তালে

গাহিছিল ঘুম-ভাঙ্গা পাখী ;

বিচ্ছেদ-ব্যথিত মনে

দিগন্ত-বিতত বনে

পড়েছিল এক কোণে

শিলাথণ্ডে দেহভার রাখি' ।

অনন্ত মাধুর্য্য নিয়া,

ঘন বন কিরণিয়া,

পড়িছিল উছলিয়া

দ্রবীভূত কষিত কাঞ্চন !

শাখী শত পত্রাধারে

পারে নি রাখিতে তারে,

তাই সে সরসী-নীরে

পড়ি' গর্বে নাচিল কেমন !

উল্লসিত প্রেমভরে

কুসুম ঝরিয়া পড়ে ;

সারাটি বৃকেও ধরে'

ধরা তারে পারে না আঁটিতে ;—

ফুলও আর মধু-ভারে

পারে না রাখিতে ধরে'—

কাণায় কাণায় ভরে'

উপ্চিয়া পড়িছে মাটিতে !

তব ছবি বৃকে করে'

আমিও যে আপনারে

পারি নি রাখিতে ধরে'

বার্থ-দেহ-গণ্ডীর মাঝারে ;—



## রিক্তা

প্রেমখেলা অবিরত,  
হে প্রিয়, চিররাহিত,  
আমার পাগল চিত  
পারে নাই অত সহিবারে !

সময়ে এলে না সখি,  
কত যে সোহাগ মাখি'  
রেখেছিছু ছবি আঁকি  
দেখিলে না বারেক ফিরিয়া—

অপার সৌন্দর্য্য রাশি  
ঢেলে দেওয়া দিশি দিশি ;  
তা'সাথে সে সব মিশি'  
কখন্ যে পড়েছে সরিয়া !

তখন যদি আসিতে  
নাই-বা ভালোবাসিতে,—  
দেখিতে, এ মরমেতে  
কত প্রেম আছিল গোপন,

গীত-শেষে রঙ্গাবাসে  
কি ফল বল না এসে,—  
বিন্ধে প্রাণ গেছে মিশে,  
দেহ হিম—অসাড় এখন !

## উদ্দেশ্যে

অন্ধ মানস অন্ধম প্রভু,  
তোমার স্বরূপ চিনিতে ;—  
দেখে নি কখনো ; মহিমা তোমার,  
পারে নি কখনো বুঝিতে !  
গুনে, তুমি নাকি চির-আপনার,  
প্রীতি-আধার, ভক্তি-আগার,  
অন্তর-মাবে আসন পাতিয়া,  
অচল হৃদয়-রাজ—  
একের মাঝারে রহিয়াছে তব  
বিশ্বরূপের সাজ !

## রিক্ত

বৈর্য-শিলায় হৃদয়ের স্রোত  
আছাড়ে মুক্তি-লাগিয়া ;  
বাসনার ফেনপুঞ্জ তাহাতে  
খেলায় ডুবিয়া—জাগিয়া ।  
আশার লহরী তুলিয়া তুলিয়া,  
ছুটে যেতে চায় আপনা ভুলিয়া,  
কোথায় বিশাল সাগর রয়েছে,  
সন্ধান-আশে তাহারি—  
অচেনা সাগরে মিলনের তরে,  
অচেনা প্রদেশে বিহারি' !

মঞ্জুল-মন-কুঞ্জে কি যেন  
কাকলি উঠিছে আকুলি ;  
মৃগ-মানস-বিমোহিনী স্থিতি  
কেমনে রাখিব আশুলি !  
কোথায় হে তুমি বিকার-বিহীন !  
জাগ মোর প্রাণে চির নিশিদিন,  
শাস্ত প্রেমের অঞ্চল দিয়ে  
চঞ্চল হৃদি আবরি' !—  
তোমার নয়নে নয়ন রাখিয়া  
সব চুথ-জালা পাসরি !

## স্মরণে

কবে প্রথম তোমারে দেখিয়াছি—  
কোন্ স্মৃতিভরা স্বপনে ;  
কবে তোমারে যে ভালোবাসিয়াছি—  
এখনো আছে তা' স্মরণে !

ললিত কুসুম-কুঞ্জ-মাঝে,  
গেয়েছিলে গান সোণালি সাঁঝে,—  
আমার হৃদয়-সেতারে বেজে,  
মিশে গেছে তাহা গগনে—  
সেই আবেশ-মধুর লগনে !

সেই দিন হ'তে আছি আশা নিয়ে—  
কুসুম-কানন করিব এ হিয়ে,  
তার মাঝে প্রিয়, তোমারে আনিয়ে,  
সফল করিব জীবনে—  
আমি ধন্ত হইব ভুবনে !

## সন্ধান

সেই কোন্‌ গুহা সূপ্রভাতে,  
জ্যোতির্ময় অঙ্গের ছটায়,  
উজলিয়া অঁধার মানস,  
দীপ্তবিশ্বে জাগা'লে আমার !

উন্মিলিয়া তদ্ভালস অঁখি  
জ্যোতি তব করিহু দর্শন—  
সৌন্দর্যের তাড়িত পরশে  
ঝলসিল দুর্বল নয়ন !

চকিতে চমকি' দুই হাতে  
 আঁখি 'পরে দিমু আবরণ—  
 সেই ক্ষুদ্র মুহূর্ত্ত ভিতরে  
 কত কি আঁকিল ছবি, মন !

স্রীতিভরে চাহিহু আবার—  
 কোথা হায় সে মধুর হাসি !  
 এষে দেখি, ভুবন ভরিয়া  
 ঘেরিয়াছে গাঢ় তমোরাশি !

ভ্রাস্ত মম ক্ষুর শ্রাস্ত হিয়া,  
 বঞ্চিত যে অলস, উদাস—  
 বিজড়িত হতাশা-বান্ধনে—  
 নাহি প্রাণে সবল বিশ্বাস !

কোথা যাব হে প্রিয় স্নন্দর,  
 তোমা তরে আকুল পরাণ,—  
 মরমের অন্তস্তল যথা  
 সেথায় কি করিব সন্ধান !

## অনন্ত

কত কত নিশি—কত শত দিন  
পলকবিহীন নয়নে,  
পথ চেয়ে আছি তোমার আশায়,  
আবেগে-সজাগ শয়নে !

বিলাপে ব্যাকুল বেহাগ কত যে  
কাঁদিয়া মিশেছে আকাশে—  
হৃদয়-ভাঙ্গা সে ক্রন্দন মোর,  
যায় নি কি তব সকাশে ?

ওধু কি নিয়েছি স্বপ্ন-ছবিরে  
হৃদয়-আবেগে বরিয়া ?—  
কিছুনা-মাথানো সকল দিয়া কি  
রেখেছি পরাণ ভরিয়া ?

ওগো, বিশ্বাস মোর দিয়ো না ঘুচায়,  
আমারে মজায় রাখগো—  
কিছু হও বা না হও, পরাণে আমার,  
সব হয়ে তুমি থাক গো ।

## স্নেহময়

চিন্তাভরা সজাগ-রাখা দীর্ঘ নিঝুম রাতে  
    ক্লান্ত আমি যখন পড়ি ঘুমি'—  
অঙ্গে আমার শাস্তি-মধুর হাত বুলায়ে দিয়ে  
    অবৃত স্নেহ ঢালো কপোল চুমি' !  
শিহরি উঠে অঙ্গ আমার, শীতল তোমার করে,  
    বাস্ত হ'য়ে তাকাই নয়ন তুলি'—  
নিষ্ক তোমার দৃষ্টি দেখি আমার মুখের পরে—  
    ললাট-পরে কনক-আঙুলগুলি !  
কি করুণা, সিন্ধু আঁখির কোমল পলব ছুটি ;  
    মন্দ কাঁপে—অশ্রু বুঝি ঝরে !—  
শ্রেম-লুলিত হৃদয় তোমার এতই ব্যাকুল কেন—  
    কাতর কেন এই অভাগার তরে !  
আমার বৃকের সুখের দুখের গুরু কম্পনগুলি  
    তোমার বৃকেও তেমনি কিগো বাজে—  
প্রগাঢ় তোমার আত্মীয়তা আমার তরেও কি গো,  
    মুক্ত সদাই—সকল কাজের মাঝে !  
তবে গো বঁধু, অন্ধ চোখে সঞ্চারি' দাও জ্যোতি,  
    বধির শ্রবণ ভরিয়া তোমার রবে—  
আপন বলে' সকল হ'তে লইলে তোমার কোলে,  
    অপূর্ণ মোর সকল পূর্ণ হবে !



## শিরী-ফরহাদ

তুমি কোন্ দেশে আছ ধেমানে আপনা-হারা,  
আমি আছি কোন্ দেশে উদাস-হিয়ায়,—  
তবু যেন দুটি প্রাণে কি-যে-কি অজানা সুর,  
দিবা নিশি বেজে উঠে শত মূচ্ছনায় !  
জানি না কি মোহমস্ত্রে এ গভীর আকর্ষণ—  
তোমা লাগি এ ব্যগ্রতা অচেনা-প্রেমিক,  
বুঝি না এ নোর প্রাণ কি চাহে—কি ভালোবাসে ;  
কেন দেখে শুষ্ক চোখে শূন্য চারিদিক !  
রাজার বিভব-সুখ, বুকভরা অনুরাগ,  
স্বণায় সে তুচ্ছ ভাবে রিক্তমুষ্টি সম—  
সে যেন কি দেখিয়াছে—সে যেন কি লভিয়াছে  
ধন মান সুখ হ'তে রম্য মনোরম !  
স্বার্থের দুর্গন্ধভরা এষে বিষময় কারা—  
আত্মসুখ-লিপ্সু নর, রক্ষক ইহার ;  
ফিরেও দেখে না কেহ প্রাণের গভীরতায়,  
ভাণ-করা প্রেমখেলা তৃপ্তি যে সবার !

সহসা আসিলে তুমি—একি বিধাতার খেলা—  
 তোমাকে দেখিয়া আমি বুঝিছ কি চাই !  
 তুমি তো আছিলে সুখী, মানসী প্রতিমা নিয়ে !  
 নিষ্পন্দ রহিলে চাহি’, কি আমাতে পাই’ !  
 একি সুখ—কি উদ্বেগ—কি আনন্দ ব্যথা-মাথা !  
 আমি তো দেখি নি তোমা তুমিও দেখ নি,—  
 এঁকেছ এমন যদি স্বরূপের প্রতিকল্প,  
 আমার পরাণ কেন তাহাতে রাখ নি !  
 নয়নে সমস্ত প্রাণ পুঞ্জীভূত করি রাখি’  
 কি পুণ্য সময়ে হ’ল দৃষ্টি-বিনিময় !  
 “সুন্দর !”—আমার কথা, তুমিই উঠিলে বলি’—  
 ফুটিল আমার মুখে নির্ঝাক-নিচয় !  
 তোমার ভ্রমরকৃষ্ণ নয়নের তারা ছুটি,  
 নিমেষে জানা’ল কত অর্থভরা বাণী !—  
 ছিলে কোন্ ছায়াপথে স্বপ্নমগ্ন শুকতারা,  
 জীবন-প্রভাতে আজি আলোকিলে প্রাণী !  
 বল প্রিয়, কোন্ শাপে রৌদ্রচাকা জ্যোতি তব,  
 আততায়ী করে আজি শেষ তব খেলা ;—  
 অভাগীর দীর্ঘ হিয়া,—সমাহিত সাধ, আশা—  
 আকাজ্কিত বক্ষে শান্তি লভি এই বেলা !

## বাঁশরী

আকাশ বাতাস স্রুতানে পুরিয়া,  
ওই শুন বাজে বাঁশরী—  
বেঁধে নাও এবে হৃদয়ের তার  
সব দুখ-জ্বালা পাসরি' !  
নির্ভয় হও—নির্ভর কর,  
মুছ গো অশ্রু-ধারা দরদর !  
বিমূঢ়-মৌন থেক না বসিয়া,  
মিলাও কণ্ঠ এ তানে ;  
মানস হরিয়া গোপন-বিহারী  
কখন যে যাবে কে জানে ।  
সময় থাকিতে পথ করে' লও  
অযুত শক্তি প্রসরি' !  
ওই শুন বাজে বাঁশরী ।  
আর কেন ব্যথা, আর কি ভাবনা,  
ওই শুন উঠে তান—  
কেন আনাগোনা ?—ওই যায় শোনা  
ব্যাকুল আহ্বান !  
নানা সুর আর গরমের তারে,  
ভুলেও বারেক যেন বাজে না রে—

ইঞ্জিয় হ'তে অন্তর—সব,  
 একই সুরে রাখ বাধিয়া ;—  
 একটিতে দিলে ঝঙ্কার, যেন  
 সবগুলি উঠে বাজিয়া ।  
 বিশ্বের সুরে মিলাইয়া সুর,  
 তারপর ধর গান—  
 ওই গুন উঠে তান ।

যা'ছিল আগল, সকল টুটিয়া  
 ওই দেখ মাতে প্রাণ—  
 গম্ভীর-বেদী রহিবে কি তুমি,  
 বেদনায় পরিমান !  
 আবেগের ভরে শাখী থর থরে  
 উন্মাদ যেন গায় মর্ম্মরে  
 পূর্ণতা দেছে বিশ্বেরে ছেয়ে !—  
 অসীম দীনতা ভুলিয়া,  
 এ গুণ আসরে সুর বেঁধে, দাও  
 শত ঝঙ্কার তুলিয়া !  
 সারাটি জগৎ উঠুক চমকি'  
 শ্রোত বহুক উজান !  
 ওই দেখ মাতে প্রাণ !

# তুমি

- তুমি      অপরূপ চারু চিত্রলেখা,  
প্রশান্ত শশাঙ্ক-রেখা প্রায় ;  
পূর্ণতার অপূর্ব মুরতি—  
প্রতি অঙ্গে ছটা উছলায় !
- তুমি      সৌন্দর্যের সূক্ষ্ম পরিণতি,  
তিলোত্তমা শোভার আধার,—  
স্ববিস্তীর্ণ মুক্ত ব্যোম বিনা,  
চন্দ্রমার শোভা কোথা আর !
- তুমি      প্রাণস্পর্শী বিশ্ব-বিমোহন,  
প্রকৃতির রূপের ভাণ্ডার ;  
উজ্জ্বলে-গধুরে-ভরা তুমি—  
পুঞ্জীকৃত জ্যোতির আগার !
- তুমি      সবারি একান্ত আপনার,  
স্বপ্রকাশ সূর্যালোক যথা,—  
হে দেবতা, প্রেমিক মহান্,  
প্রেম যথা—বাক্ত তুমি তথা !
- তুমি      চির পরিচিত পুরাতন—  
পলে পলে তবুও নূতন,—  
সুমহান্ সদানন্দ ছবি—  
বিশ্বরূপে মানস মোহন !

## মুক্তি

সেই দিন—সেই তীব্র কঠোরতাময়  
বিচ্ছেদের ব্যথিত রোদন—  
কমনয়ীতার সেই রুদ্ধ পরিণতি,  
খুলে দিল প্রাণের বাঁধন !

মিহত সাধের বাগ্র শঙ্কিত বেদনা,  
মরমের মাতল তিয়াসা,—  
অপূর্ণ সে আকাঙ্ক্ষার জ্বলন্ত মরুভূ,  
বিনাশিল পরাণের আশা !

নির্দোষিত নিখিলের উজল আলোক-  
মান বিশ্ব, নিতান্ত মলিন ;  
ভীক, বিদলিত মোর একক জীবন-  
প্রবঞ্চিত দয় উদাসীন !

রিক্ত।

সেই দিন খুলে গেল সংরুদ্ধ প্রবাহ,

উচ্ছলিত তরঙ্গ-প্রহারে ;—

পরিপূর্ণ বাসনার উদ্বেল আবেগে.

কি ব্যথিত করিল আমারে !

সেই দিন—সে গভীর ব্যাথার ভিতর,

খুলিল যে স্বপ্ন-চিত্র-পট ;

তারই আরাধনে প্রিয়, আজ তুমি মোর,

আরও কাছে—আরও নিকট !

এবে দেখি হে সুন্দর, সে বিচ্ছিন্ন ভাব,

সুমঙ্গল মিলনের দ্বার—

বিচ্ছেদ ঘটয়াছিল, তাই আজ বুঝি,

কুব তুমি অন্তরে আমার !

সেই দিন জীবনের পবিত্র বোধন,

আজি পূর্ণ বিসর্জন তার—

সেই দিন হুঃখে, ক্রেশে পূজার উন্মেষ—

আজি মুক্তি সেই সাধনার !!

সেই দিন যে দেউলে আনিতে তোমায়,

হয়েছিছু চপল অধীর—

আজি দেখ, যাতনার ক্রন্দনের ফলে,

তোমাময় সে শূন্য মন্দির !

## ঐকান্তিক

ঢাকুক এ মহাবিশ্ব কুহেলি অঁধার,  
এহতারা মুছে যাক্,  
সব পুড়ে হোক থাক্,  
মহী মরুভূমি হোক—কিন্ধা পারাবার—  
যা হবার হয়ে যাক্ তুমি তো আমার !



## রিক্তা

তুমি তো আমার হুই নয়নের মণি,  
তোমা-পানে চেয়ে থাকি,  
বিশ্বেরে ফলিত দেখি ;  
নিখিলে রয়েছে ব্যাপ্ত আনন্দের খনি—  
বক্ষে মোর, আনন্দের স্পন্দন যে গণি !

সমুন্নত মহীধর বৃক্ষ সুশোভন,  
তার বৃকে বল দেখি  
আশ্রয় লভিছে নাকি,  
উচ্ছল মেঘের দল, প্রেমপূর্ণ মন ;—  
আমি কি পারি না হ'তে জলদ তেমন !

আমি কিন্তু জানি তুমি প্রেম-অবতার !  
ব্রহ্মাণ্ড ধরিয়া তান,  
গায় তব প্রেম-গান ;  
প্রকৃতি তো প্রতিবিশ্ব তোমার শোভার,-  
প্রেমময় পুণ্যময় তুমি তো আমার !

## খেয়া

ঘাটে বাধা ছিল তরীখানি ;—

প্রভাতের রবি তরল আলোক তখনো দেয় নি ঢালি'  
বিভোলা বিলোলা কুমুদী উপেখি' ভ্রমরার গালাগালি,  
তখনো ঘোমটা টানি'  
জুড়ে নি গোপনে বাতাসের সাথে অবিরল কানাকানি !

অলস-নয়ন মাঝী একজন বসিয়া তরলী-পরে,  
দেখিল, সোণালি বালুকা-বেলায় বিপুল আবেগ-ভরে  
ঢেউগুলি ছুটে যায়—

সহিয়া ঘুণার পদাঘাত, ফিরে অনাদরে—হতাশায় !

রিক্ত।

বাজিল বুঝি সে বেদনা মাঝির সরল উদার বুকে,  
সহানুভূতির হৃদয় তাহার, কাঁদিল তাদের দুখে—  
ছুটিল ওপার পানে—  
বুঝাবে বেলারে কি ব্যথা ভীষণ ভালোবাসা-অপমানে !

ঝিকিমিকি-করা হাজার বালির চোখে ভরা উপহাস,  
নিরর্থি' ভাবিল দয়ালের দেশে একি নিষ্ঠুরের বাস !  
ডাকিল, “আয় রে আয় :  
ওপারে কে যাবি”—উঠিল তখনি কা'রা যেন নৌকাঝ !

বাহিল তরণী—দেখে আসি কূলে আবেশ মরণ-মাথা,  
লক্ষ-জনমে-মাথা-ভেঙ্গে-মরা লহরীর বুকে আঁকা !  
ডাকে মাঝি—“ওরে আয়,  
বিফল আশার মদিরা পাগল ছুটিস্ না নিরুপায় ।”

স্বপন-বেদনা-বিধুর জানে না জোয়ার ভাটার নাম,  
এপারে ওপারে ব্যস্ত করে সে, যাওয়া-আসা অবিরাম !  
সঙ্কায় ভাবে দেখি’—  
কিরণ-রঙিন লহরীর মুখে তৃপ্তির হাসি,—“একি ।”

## সাধনা।

অনন্তের মহামন্ত্রে পৃথিবী চালিত,  
মানব-হৃদয়ে তার সুপ্ত অধিষ্ঠান,—  
উত্তেজনা, প্রকৃতির মহা সমাধান !  
কর্ম নিরলিপ্ত তারে করে কেন্দ্রীভূত !

জগতের প্রতি অঙ্গে শক্তির বিকাশ ;  
কর্মে অনুভূত তাহা লক্ষ্যে দৃঢ়ব্রত—  
স্বরূপে বিশ্বাস স্থির তা' হ'তে প্রসূত !—  
জ্ঞান করে হৃদয়ের মালিগা বিনাশ ।

বিশালের অংশ আমি বিশ্বকর্মে রত,—  
জ্ঞানে বিনিহিত ভাব বিবেকের মূলে ;  
ধৈর্য্য তিতিক্ষারে তাহা জাগাইয়া তুলে—  
ভক্তি দেয় দেখাইয়া সাধনার পথ !

জগতের সুখ যাহা, সুখ আপনার,  
স্বতন্ত্র চিন্তের বৃত্তি মহা শুভঙ্করী ;  
জ্ঞান, কর্ম, ভক্তি সদা একই পথ ধরি  
সাফল্যে ভূষিত করে পন্থা সাধনার !

## বাঞ্ছিত

দূর জগতের এক মনোরম দেশে,  
স্বপনের ঘোরে, স্নিগ্ধ বাঁশরী-নিশ্বনে  
বাজে যেই প্রাণস্পর্শী তান,  
তাহারি—তাহারি এক অজানা ঝঙ্কারে,  
আকুল ব্যাকুল এই প্রাণ—  
একি নহে বাঞ্ছিতের গান !

নীল গগনের ওই সুবিশাল দেহ,  
প্রসারি দিগন্ত বাহু স্নগভীর প্রেমে  
আলিঙ্গিছে অনন্তে উদার,—  
ঢালিতেছে বিশ্ব'পরে নীহারের ছলে,  
প্রেমানন্দশংসী অশ্রুধার—  
একি নহে বাঞ্ছিত আমার !

ওই যে নয়ন ছুটি স্থির নির্নিমেষ  
শশাঙ্ক-সবিতা-রূপে হেরিতেছে সদা  
কামনীয় মূর্তি জগতের,—  
অতৃপ্ত পিয়াসা তাই আরক্তনয়নে  
মুখ চেয়ে আছে প্রেমিকের—  
একি নহে নেত্র বাঞ্ছিতের ?

কুসুমিত কাননের সুবাস-পূরিত—  
 প্রীতির সুরভিখাস—সমীরণ যবে  
 বয়ে যায় পাগল করিয়া ;—  
 তখনি উথলি উঠে আবেগ-লহরে  
 আলোড়িত হৃদয়-দরিয়া—  
 মুগ্ধ হই বাঞ্ছিতে স্মরিয়া !

কামনা-তমসাময় হৃদয়ে আমার,  
 অপূৰ্ণ ত্যাগের রম্য সমুজ্জ্বল ভাতি—  
 বিবেকের দীপ্ত অভিজ্ঞান,—  
 শ্রামচ্ছায়া-কুঞ্জগৃহে মাধবী নিশীথে  
 আত্মহারা পাপিয়ার তান—  
 আমারই বাঞ্ছিত পরাণ !

যা' দেখি, যা' শুনি তাহে বাঞ্ছিত কেবল,  
 ভাবনায় স্তম্ভ সেই স্তম্ভীর মূরতি—  
 হিয়া-মাঝে পূর্ণ, আত্মহারা,—  
 জীবন-উদ্ভানে মোর গরিমা-প্রসূন—  
 নিদাঘের স্নিগ্ধ বারিধারা—  
 স্বপ্নসৃষ্টি,—আনন্দ-ফোয়ারা !

## ইতিহাস

বিজন গহন বনে  
কতই উদ্ভাস্ত মনে  
প্রভাতের সমীরণে  
পথহারা নবপাঙ্কজ,—

সন্মুখে নদীর জল  
কি উদাম ফেণোচ্ছল,  
কি আকুল কি প্রবল,  
করিছিলে স্থির নিরীক্ষণ !

উন্মাদিনী আত্মহারা  
 অনন্ত-ঘোবনা ধারা  
 ছুটিছে পাগল পারা  
 কোন্ মন্ত্র করিতে সাধন,

শ্রোতাবেগ কি প্রথর !  
 ভেসে যায় নিরন্তর  
 অভিমান, অনাদর—  
 তুচ্ছ যত বালির বাঁধন !

সহসা নয়নে তব  
 পড়িল নয়ন মম,—  
 কি যে অতুরাগ নব  
 নিমিষের মৌন আলাপন,

আনিল হৃদয় ছাপি’  
 উভয়ে উঠিল কাঁপি’  
 কয়টি মুহূর্ত ব্যাপি’  
 পুঞ্জীভূত সমগ্র জীবন !

উছলে হৃদয়ে সারা  
 কি আনন্দ পূত ধারা,  
 কিবা মধুরিমা-ভরা  
 কল্পিত সে লজ্জিত মিলন,-



রিক্ত।

শুধু চোখো-চোখি-তরে—

শুধু দেখা-দেখি-তরে,

কত ছল বারে বারে,

পলে পলে হ'ত প্রয়োজন !

আর আজি রুদ্ধ এত,

প্রলয় কালাম্বু মত

জলে নেত্র অবিরত,

কি ভীষণ—কিবা ভয়ঙ্কর !—

রূপের প্রবল টানে

প্রাণে মাদকতা আনে,—

শিথিল ইন্দ্রিয়-বাণে

কোথা থাকে মত্ততা তাহার ?

সেই প্রেম-পূর্ণ প্রাণ—

এই তার প্রতিদান,

সেই মান-অভিমান—

আজি এই জলন্ত হতাশ !—

কত ভালোবাসি প্রভু,

পারি নি বলিতে কভু—

পরাণ অতৃপ্ত তবু

শেষ মম ক্ষুদ্র ইতিহাস !

## স্বপ্নছবি

আজি কি খেলা খেলিয়া গেছে সে আমার  
ব্যথিত পরাণ নাচা'য়ে,—  
আজি কি মধু আবেশ ঢেলেছে সে মোর  
তাপিত মানস বাঁচা'য়ে ;  
আমি ছিলাম বক্ষ চাপিয়া,  
কত অশেষ যতনে বিলাপ-কাতর  
আধঘুমে নিশি যাপিয়া ;—  
যত জমাট-বাঁধানো মলিন বেদনা,  
তৃপ্তি-হারাগো ব্যর্থ বাসনা,  
নিমেষে তাহার সোহাগ-পরশে  
কোথা যেন গেছে মিলায়ে ;  
সে গেছে আমার পরাণটি নিয়ে  
এই এক খেলা খেলায়ে ।  
কোন্ সুদূর জীবনে, মধুর লগনে,  
মনে পড়ে তারে দেখেছি—  
কোন্ গভীর বিজনে নিভৃত পরাণে  
ছবিখানি এঁকে নিয়েছি ;

রিক্ত।

আমি            ১. মোর সকল পরাণ খুলিয়া,  
                  যা'কিছু পেয়েছি কুড়িয়ে আনিয়া  
                  সঁপেছি আপনা ভুলিয়া !  
                  রিক্ত হৃদয় নত হুঃখ-ভারে  
                  খুঁজিয়া কোথাও পায় নাই তারে—  
আজি            স্বপ্ন-আলোকে অঙ্গ আবরি'  
                  কি খেলা খেলিল আসিয়া—  
মোর            প্রগাঢ়-যতন-রুদ্ধ-হৃদয়  
                  চঞ্চল করি হাসিয়া !  
যদি            এ মোর পরাণে আসিয়াছে সে গো !  
                  বহুদিন হ'ল গোপনে,  
যদি            এই দেখাশোনা এই আনাগোনা  
                  সকলি লুকালো স্বপনে ;  
                  তবু পাতি মোর বুকে কান,  
গুনি'            ধীরে বেজে ওঠে হৃদয়-সেতারে  
                  সেই স্বপনের গান ;  
তবু            ভাহার মধুর সে মুরতিখানি,  
                  চির পরিচিত আপনার জানি,  
                  হৃদয়-বাহির আছে সে জুড়িয়া ;  
                  স্থির অচপল স্মরণে,—  
যেন            চিরকাল থাকে এ ছবি আমার  
                  জড়ানো জীবনে-মরণে !

## মানসসুন্দর

দীর্ঘ কত বর্ষ গেছে হেলায় কাটিয়া,  
পূর্ণ করি' জীবনের ক্ষণ ; তোমা নিয়া,  
রচিয়াছি কত কল্পনার স্বর্গ-ভূমি,  
সেই দূর শৈশব হইতে ! আজো তুমি  
তেমনি আশার ধন, বস্তু কামনার—  
আজো তুমি সেইমত অন্তরে আমার  
প্রহেলিকা, মায়াজাল,—কি-যেন-কেমন,  
বাস্তবের পরে অবাস্তব আবরণ !

মনে পড়ে সেই দিন,—যেদিন তোমার  
সোহাগ-কুসুম-মালা করিল বাহার—  
তমুটি আমার, জাগায়ে কল্পনা শত  
মঞ্জুমুগ্ধ মানস-মাঝারে, সুখহত  
চিত্তবৃত্তিগুলি, আবেশে অবশ মানি'  
বুঝে নিল শুধু মানসী-প্রতিমাখানি—

## রিক্তা

প্রতিভায় সমুজ্জ্বল, গৌরবে মহৎ,  
লাবণ্যে মধুর, প্রফুল্লসুধমাবৎ  
স্নিগ্ধতা ও উন্মাদনা, পূর্ণ সমাবেশ !—  
জগৎ হইয়া গেল স্বপনের দেশ !  
ডাকিল পাপিয়া, ফুকানিল পিকবর,—  
কচিং উঠিল ধ্বনি দোয়েলের স্বর,  
গাইল শতেক পাখী কণ্ঠ চাপি' চাপি'  
সরসীর কালো জলে পদ্মপত্র কাঁপি'  
উন্মিষে নাচায়ে দিল, মলয় পবন  
কুসুম-কপোল প্রেমে চুমিল যখন,—  
সুন্দরী প্রসূনবালা সুখহাসি ঢাকি'  
শু'য়ে প'ল লতিকার বুকে মাথা রাখি' !  
প্রশান্ত নয়ন মেলি' চাহিলে তখন  
আমার নয়ন-পানে,—উথলিত মন  
স্পষ্ট রেখা ক'টি নিয়ে ফুটিল যেমন  
বিভল সে নেত্রে মোর,—করিলে দর্শন—  
হেলায় পশিলে মন মর্ম্মতলদেশে—  
তখনো বিভোর আমি আবেশ-বিলাসে !  
তারপর কতদিন গেছে উতরিয়া—  
দিনে দিনে—ক্রমে ক্রমে গিয়াছ সরিয়া,  
তপ্ত দেহ হ'তে মোর ; বিঘ্নবজ্রবাত,  
বিস্কুল তরীতে মোর করিয়া আঘাত

নিয়ে গেছে কত দূরে তারে, নাহি যায়  
সেথা কাহারো আছান,—বালুকা-বেলায়  
ফুটেনাকো পদচিহ্ন কারো ! চক্রবালে,  
সেই দূর দূরান্তরে বিস্তারে চিনালে !

আর আজি বহুকাল, বহুবর্ষ পরে,  
প্রণয়ের একটানা তরঙ্গের ভরে  
এসেছি আবার তোমার সে তরীপাশে,  
আমার তরঙ্গী বেয়ে ; যে পোষিত আশে  
এতকাল ধরে' শ্রান্তিরে হারিয়ে দিছি—  
শত বিপদের বজ্র মাথা পেতে নিছি,  
বঞ্চিত করো না তাতে ; হে প্রাণের রাজা,  
প্রশান্ত নয়নে চাও ; দিয়োনাকো সাজা  
অপাঙ্গ-বিভ্রম তব ভ্রুকুটি বিলাসে !—  
তোমারে চিনায়ে মোর অজ্ঞান মানসে  
ভাঙ্গিয়া চুরিয়া দিয়ো ! তোমারি প্রভাবে  
সৃজিয়ো মহৎ করি' মোরে, ঘুচে যাবে  
সঙ্কীর্ণতা, তব সৃষ্ট নবীন পরাণে  
বিশাল হইয়া চা'ব জগতের পানে !—  
তখন তোমার ওই পূর্ণ বপু ল'য়ে,  
নিখিল ব্যাপিয়া থেকো সর্ব্বময় হ'য়ে !

## লাভ

দীর্ঘ বরষ কেটে গেছে কত—একে একে শত লাখ,—  
এত যে কেঁদেছি, চাহ নাই ফিরে, বারেক শোন নি ডাক ;  
বাসনার শিখা নিভে গেছে এবে, পূর্ণ হয়েছে প্রাণ,  
প্রণয়ের নদী নিখর গভীর, নাই সে জোয়ার-টান !  
কে বলে তোমায় আসিতে এখন ?—নাই মোর পরিতাপ—  
না-পেয়েও আমি পেয়েছি তোমারে,—ত্যাগে লাভই বড় লাভ !

## আকুলতা

অস্তুরে মোর কম্পন আজি,  
উঠিছে কিসের লাগিয়া—  
কি যে রে শান্তি, কি যে মত্ততা,  
যুগপৎ উঠে জাগিয়া !  
মর্শ্ব যেন কি তাড়িৎ পেয়েছে,  
স্পন্দন প্রাণে ছড়িয়ে গিয়েছে—  
চঞ্চল আমি—বিহ্বল আমি,  
উদ্বেল গি'ছি গলিয়া—  
বক্ষে যেন রে গন্ধের ধার  
উচ্ছলে কলকলিয়া ।

চেতনা আমার অবশ যেন রে  
 কাহার সরস পরশে,—  
 চক্ষু আমার সিন্ত যেন রে  
 উদ্দাম কিষে হরষে ;—  
 অঙ্গে আমার রঙ্গ করিয়া  
 জ্যোছনার ধারা পড়িছে ঝরিয়া,—  
 স্তব্ধ ধরণী শব্দ-বিহীন,  
 চাহিয়া মুগ্ধ দরশে !  
 বিন্মিত আমি বিমুগ্ধ পড়ি'  
 কাহার সরস পরশে ।  
 কে যেন আমার অতীব নিকট—  
 মনে করি তারে ধরিব ;  
 বৃথাই সে আশা, শিথিল ছ'বাহু  
 কেমনে প্রসার করিব !  
 কে আছ বন্ধু, এস ফিরে চাও  
 তার কাছে মোরে যাও নিয়ে যাও,—  
 সে যাহুকরের প্রেম-সায়রের  
 অতলে প্রবেশ করিব !  
 অবশ অঙ্গে সংজ্ঞা হারায়ে,  
 সে অতলে ডুবে মরিব !



## আশা

অভাগা, আহত য়েবা মহাঘাত-প্রতিঘাতে  
আশার কুহক ছলে সেও ভুলে রয় ;—  
যে ব্যথা সহস্র বার—দীর্ঘ করে মানবেরে,  
তাহাও দেখা'য়ে দেয় আশার উদয় !

আশা আলোকের ওই দীপ্তরশ্মি রেখাসম  
চলিতে আঁধার পথে দৃঢ়তা শিখায়—  
নিশার তিমির ছায়া যতই বাড়িতে থাকে,  
ততই উজ্জলতর কিরণ বিকায় !

## সেই ও এই

সে যে ছিল চক্রবাল—দূর অতি দূর,  
কল্লনার শান্তি-সুখ, নিরালা মধুর !  
এ যে পার্শ্বগত ছায়া, একান্ত নিকট—  
বৃহৎ বঞ্চনা শুধু, অসত্য, কপট !  
সে যে ছিল যমুনার তরল কাকলি  
স্বভাবের সাধা সুর ধ্বনিত আকুলি' ;  
এ যে বাঁশরীর রব,—বাজালে বাজিবে—  
নতুবা মুরলী-ধ্বনি মুক হ'য়ে র'বে !  
সে যে ছিল চন্দ্রালোক নিক্ত সমুজ্জল,  
সৌন্দর্যের পরিণতি—মাধুর্য্য কেবল !  
এ যে প্রদীপের আলো—কি যে তীব্রতার  
ধাঁধায় নয়ন শুধু, যত দেখা যায় !  
সে যে ছিল বালকের শশাঙ্ক-কামনা  
ব্যাকুলতা-উল্লাসের পুণ্য উত্তেজনা—  
এ যে কুসুম-শয়নে অন্ধ মাদকতা  
লক্ষ্যহীন উৎসাহের শ্রান্ত বিহ্বলতা !  
সে যে ছিল কামনার লেশমাত্রহীন  
অতল-পরশ প্রেম, প্রশান্ত স্বাধীন,—  
এ যে মিছে তৃপ্তি, শুধু দান-প্রতিদান,  
লুকোচুরি খেলা, শুধু মান-অভিমান !

## আলাপে

শত জনমের আয়োজন মোর সার্থক করি' আজ,  
কি শুভ লগনে দেখা দিলে তুমি ব্যথিত এ হিয়া-মাঝ !  
আসিবে না বুঝি ভেবেছিলাম মনে,  
সাধ আশা যত এ মোর পর্যাণে,  
স্কন্ধ বেদনে অতীব গোপনে মিলাইবে চুপে চুপে,  
বিশেষত্ব-হীন জগতের মাঝে পড়ে র'ব কোনরূপে !

এতদিনে মোর আকুল আহ্বান, কানে বুঝি পশিয়াছে,

এতদিনে তব রাগিনীতে বুঝি গীতি মোর মিশিয়াছে !

কি-যেন-কি-এক-কি-রকম-দিয়ে

মুগ্ধ পাগল করেছ এ হিয়ে—

আবেশ আমারে ফেলিছে ঘিরিয়ে, কোনই শক্তি নাই—

এত কাছে তুমি সাধনার ধন, তাও না দেখিতে পাই ।

আসিয়াছ যদি সখা হে আমার, হৃদয়ে দেহগো বল,—

সকল ভুলিয়া নয়ন ভরিয়া দেখি তোমা অবিরল,—

যে দিকেই আমি নয়ন ফিরাই

তোমারেই যেন দেখিবারে পাই—

বিশ্বমাঝারে কোথা কিছু নাই, স্মরণ ! তোমা ছাড়া ;

রাখ এ মিনতি, আসিয়াছ যদি—যদি দেছ ডাকে সাড়া !

মঙ্গল-বাহু-বন্ধনে তব, আমারে বাঁধিয়া নাও—

আরও—আরও—আরও গাঢ়রূপে, প্রাণে মোর মিশে যাও !

স্বাতন্ত্র্য মোর কিছুই রেখ না—

দূর আমাহ’তে তুমিও থেক না,

সমান আকৃতি, সমান প্রকৃতি, এক হৃদি-পরমাই—

সমাক্ষুণ্ণে মিলিয়ে-মিশিয়ে নূতন হইয়া যাই ।

## স্মৃতি

গীতের করুণ সুর হয় অবসান,  
লয়টুকু বাজে তবু মরম-মাবার ;  
কুসুম ছ'দিন পরে হয়ে যায় ম্লান,—  
স্ববাস, পাগল প্রাণে করে হাহাকার !

গোলাপ শুকায় যায় পাতাক'টি তার  
প্রিয়ের শয়ন-তরে স্তপাকারে রয়—  
ভূমিত চলিয়া গেছ—স্মৃতিতে তোমার  
প্রেম, সে আপন মনে গভীরে ঘুমায়ে !

## নিমেষিকা

আঁখির ছলনা বুঝিতে পারিনি আগে—

হৃদকের ঘন আবরণ-আড়ে রাখিয়াছে কোন্

অবিরল অনুরাগে ;—

পলক পাতের ফাঁকে,

ঠিকারিয়া যদি বাহিরিতে চায়,—চাপ দিয়া ঢেকে রাখে !

প্রতিপদে বাধা পাই’ অবিরত

ব্যাঘাত-ব্যাহত সিদ্ধুর মত

হয় সে ছনিবার !

যতই নিমেষ, যতই পলক, তত প্রবলতা

দ্বিগুণিত হয় তার ;—

শুভ অবসরে করে অপসার আঁখির অত্যাচার !

রিক্ত।

আজিকার গাঢ় নীলিমার তলে আঁখি,  
অলস বিলাসে মরমের সনে পিরীত করিয়া  
    নিতেছিল ছবি আঁকি ;  
    যেখানে মা' ভালো সাজে,  
তেমনি করিয়া সাজা'য়ে ভাবিল, ডুবিলে সে রূপ-মাঝে !  
    আহা ! দেখে তার ছবির মাঝার,  
    হয় নাই রূপে প্রাণ-সঞ্চার  
        সফল পূর্ণতায় !

নিপুণগঠন পাষাণ প্রতিমা অন্তরদেব  
    সজাগ নাহিক' তায়—  
মরম ভাবের পসার ছাড়িয়া রূপ শুধু নাহি চায় !

আঁখির বাঁধিল মহা গোলোযোগ আজ !  
মরমের সাথে রসের-ভাবের বোঝাপড়া নিয়ে  
    ভুলিল সে আন-কাজ !  
    নিমেষ-অলস চাহি,  
ভাবিতেছিল সে, রূপের সহিত ভাবের স্রব্দ নাহি ?  
    এই অবসরে অহুরাগ হাসি'  
    বিপুল পুলকে বাহিরিয়া আসি'  
        রূপে দিল মহাপ্রাণ !

বিভল বিবশ আঁখি ও মরম করিল আবেগে  
    ছবিরে সকল দান ;—  
ভাব, সে দেখাল, প্রিয়া নিমেষিকা বিশ্ব প্রকাশমান !

# হাহাকার

বার্থ যত বাসনার বিফল স্বপন মোহ  
হৃদয়ের ছিন্ন তার করিয়া মিলিত,  
কি গভীর শোকোচ্ছ্বাসে মরমের তলদেশ  
কোমল-করণ-রাগে করে মুখরিত !  
রম্য কোন্ জীবনের অক্ষুট আলোক টুকু  
ক্ষীণ—ক্ষীণতর হ'য়ে স্মৃতির আঁধারে,  
বেদনার অশ্রুপরে হয় সদা বিভাষিত,  
জাগায় অব্যক্ত ব্যথা পরাণ-মাকারে !  
সে সাধের আনন্দাশ্রু গিয়াছে মুছিয়া এবে,  
বেদনার দরধারা রয়েছে ভরিয়া—  
কি যেন অকথ্য জ্বালা নিয়তই জাগে প্রাণে—  
কি যে স্বপ্নসুখছবি গিয়াছে সরিয়া !  
কি যে মৌন বিভীষিকা ভাসিছে স্নমুখে সদা—  
কি যে আকুলতা প্রাণে আবেগ জাগায় ;  
কি যেন ইন্ধনে জ্বালা হতাশার তীব্র শিখা  
ছাই ভস্ম করে হৃদি বিষম প্রভায় ।  
মঞ্জুল মুকুল দাম, পড়েছে ঝরিয়া ওগো !  
উচ্ছ্বাসের পূত কণ্ঠ হয়েছে নীরব ;  
মাধুর্য্য জীবন্ত শ্রোত, হায়রে ! শুকায়ে গেছে—  
কি যেন কি হয়ে গেছে অতুল বিভব !



## সিন্ধুলীলা

রসময়, ভাবময় শুভ্রফেণচূড়  
আকুল তটিনী লোটে সাগর বেলায়,—  
শীতল অতল হৃদে তরঙ্গ প্রচুর,  
প্রাণের প্রণয়-গীতি বাতাসে মিলায় !

সিন্ধু ছোটে মত্তগতি আপনার মনে,  
ঝঙ্কারিয়া কণ্ঠবীণ সম্মোহি চৌদিক্ ;  
গুনায় উদাত্ত স্বরে বিশ্ববাসী জনে  
আলাপি' ভৈরব রাগে সাম-যজু-ঋক্ !

তটিনী মহত্তে মৃঢ়া, ত্যক্ত-আশা-সুখ,  
ধীরে শ্রমক্লান্ত বাহু প্রসারি' অবশ,  
নীরব, পড়িল ঢলি' স্নান-শুষ্ক-মুখ,  
লভিয়া অনন্ত-প্রেম-সমাধি-পরশ !

প্রেম ধ্যান সিদ্ধ সিন্ধু হেরি' এতক্ষণে,  
তুষিল তুষিত হিয়া আকুল চুম্বনে !

## রাগিনী

সহসা এমন বাজিয়া উঠিল

আমার হৃদয় সেতারে,

যাহ করি' যেন সকল আমার—

এ কিএ নবীন গাথা রে !

মরম আমার সব পূরে গেল,

আনন্দ মোর উথলি উঠিল ;

বাহিরের জ্ঞান সকলি নাশিল

ধ্যানলোকে আনি' রে—

এমন করিয়া বিমোহিত করে

একি এ রাগিনী রে ।

জগতের সব অণু রেণু কণা

দেখি এ রাগিনী গাহিছে,

সকলের সুর এক হ'য়ে দেখি,

প্রণবে মিশিতে চাহিছে !

এই মহাসুর মাতাইয়া কবে

উদ্বেল হ'য়ে মিলাইয়া যাবে—

এক তানে যাবে—এক ভাবে যাবে,

গৌরব মানি' রে—

ক্ষীণকণ্ঠনিসৃত্য মোর

ক্ষীণা রাগিনী রে !

## কবি

নির্মল মেঘমুক্ত গগন ভরা যবে সুসমায়,  
কৌমুদী-ধারা-ধৌত ধরণী গৌরবে শোভাপায়,  
লতায় পাতায় অনুভূতি কত, কত উচ্ছল হাস্য,  
মৃদল-উন্মি-ক্ষোভিত সলিলে কত রঞ্জিত লাস্য,  
নেহারি এ শোভা কারো মনে জাগে চিন্তন কত স্মৃষ্ণ,—  
আপন কল্পে বিশ্ব ভাবিয়া কেহ পায় মনে হৃৎথ !

ঝিরি ঝিরি যবে বহে সমীরণ, মাথিয়া কুসুম গন্ধ,  
প্রকৃতির সারা অঙ্গে বিকাশে পুলকশিহর মন্দ ;  
কুসুমিতা লতা কল্লনা-চো'খে আঁকিয়া অযুত স্বর্গ,  
সুখ-হিন্দোলে আন্দোলি বুক ঢেলে দেয় ফুল-অর্ঘ !  
এ শীত মলয়া পরশে কাহারো জাগে মনে প্রিয়-সঙ্গ,  
ব্যাধি উপজিবে ভয় করি কেহ বসনে আবারে অঙ্গ !

প্রকৃতির শোভা সকলের তরে বিধির যুক্ত দান—  
জোছোনা-মলয়া কবি করে না তো, কবি গ'ড়ে তুলে, প্রাণ !!

## মানব জীবন

স্বথস্বপ্নমোহমত, তন্ময়তা মানবের

ভেঙ্গে যায় সংসারের তীব্র-ফণি-গর্জনে  
দূরে যায় হৃদয়ের নিরাবিল বিহ্বলতা—

বার্থ তৃপ্তি আশে ছুটে, ভ্রান্ত স্বার্থ-অর্জনে !

মধু রাগিনীর ত্রায়, স্বথ-আশা দূরে যায়

হুঃখপূর্ণ জীবনের রোদ্র-ভেরী-বাদনে,  
দাবাগ্নি-জ্বলিত বনে অর্দ্ধদগ্ধ তরু মত,  
পড়ে থাকে গুহ্ম স্মৃতি জন্ম দিতে বেদনে !

ভ্রান্ত কুরঙ্গের প্রায়, কন্ম লক্ষ্য ভুলে যায়

মরু দগ্ধ জীবনের মরীচিকা-বিভ্রমে ;  
ভ্রান্ত মন আত্মহারা ছুটে যায় প্রাণপণে  
শীতল অমৃত ভরা শাস্তি তপঃ আশ্রমে !

সমুদ্র-কল্লোল যথা, স্পর্শিতে চরণ খানি,

বেগে ছুটে মুগ্ধ নর, পরিপূর্ণ অন্তরে ;  
গগন দিগন্তে নামি' কোলে তারে নিলে টানি—  
কৃতার্থ পরাণ গায় প্রীতিপূর্ণ মন্তরে !

## যাত্রী

আমি একা, আনমনা যেতাম বাহিয়া  
লক্ষ্যহীন এ জীবন-তরী ; তুমি কেন  
একই স্রোতে পা'লভরে আসিলে ভাসিয়া,  
সাথী হ'লে সে নিরালা পথে ; তুমি কেন  
নীরব সাধনা ভাঙ্গি, তন্ময়তা নাশি'  
বিক্লিপ্ত করিলে মন, তরী পাশে আসি !—  
ধ্যান গেল, চাহিলু ফিরিয়া, কি সুন্দর !  
দরিয়ার যাত্রী তুমি, এত মনোহর !

অতৃপ্ত নয়ন মম সর্ব শক্তি দিয়া  
 তোমার ও মুখপানে চাহিয়া চাহিয়া,  
 শ্রান্তি নাই—পল নাই—দেখিয়া দেখিয়া,  
 বিভল হইয়া গেল ; পশ্চিম রাঙিয়া  
 যত রক্তবর্ণ মেঘ, ধীরে—অতি ধীরে,  
 স্মৃতিনিষে ছুটি'ছিল কোন্ স্বর্গ পুরে !  
 হিল্লোলিত, উচ্ছলিত যাইছে তটিনী  
 কোন্ সে অজানা দেশে, মোদের তরলী  
 শুধু ফেণপুঞ্জ তারে দিতেছে ঢালিয়া !  
 কতদূর চ'লে এনু ছুজনে মিলিয়া,  
 গেয়ে কত স্নেহের-দুঃখের গান ; নিয়া  
 শুধু বুকভরা ভালোবাসা, তৃপ্ত হিয়া,  
 প্রাণের পাগল-করা টান ; কত আশা,  
 কতই আশ্বাস ! এই যে এ শ্রোতে-ভাসা,  
 ভাবিলাম দেব-দয়া ;

সহসা গগন

ভরিল নিবিড় মেঘে ; প্রবল পবন  
 উন্মত্ত কম্পিত হ'য়ে তাগুব হেলায়,  
 মূর্ত বিভীষিকা যেন আনিল ধরায় !—  
 ছুটিল মোদের তরী ; কোথা কিছু নাই,—  
 শুধু ঝঞ্ঝা, শুধু বাত্যা, যেদিকে তাকাই ;

## রিক্তা

সহস্র শীকরকণা ঘন অন্ধকারে  
বিস্তারে ঘেরিয়া আছে ! আতঙ্কে তখন  
খুঁজিছু তোমারে ব্যস্ত, শঙ্কিত নয়ন ;—  
একি দেখি ! প্রিয় মোর ! নাহি তুমি কাছে,—  
দূর দিগন্তের গাঢ় অন্ধকার মাঝে,  
অপরূপ জ্যোতির্ময় মূর্তি তব রাজে !  
দেখিছু, যেতেছ তুমি তেমনি বাহিয়া—  
ক্লান্তি হারা, চিন্তাহীন, পূর্ণ হিয়া নিয়া !  
বিপদ সম্মুখে যেন আসে নাই কাছে !—  
যা'ছিল তোমার, যেন তাই সব আছে !  
আশায় মাতিল প্রাণ, প্রতিধ্বনি তুলি'  
'কোথা তুমি প্রাণাধিক !' ডাকিছু আকুলি' ;  
পশিল না সে আহ্বান, শ্রবণে তোমার,  
তুমি অলস উদাস প্রাণে, দরিয়ার  
কূল পানে, স্থির লক্ষ্যে যেতেছ চলিয়া ।  
আমি বল, কি করি এখন ! সব দিয়া  
ফেলেছি তোমারে, ওগো ও প্রাণের রাজা !  
কোন অপরাধে বল, আমার এ সাজা !  
যাহা মোর প্রাণের পিয়াস, তুমি তাই—  
সাধনা আমার যাহা, তোমাতে তা' পাই !  
তাই তোমা বাসিয়াছি ভালো ! এই ভ্রম !—

## রিক্তা

এই দোষে সব নিয়া—যাহা ছিল মম,  
অকূল জলধি মাঝে ফেলিয়া একেলা,  
নিজপথে চলি গেলে বিপদের বেলা !  
চমকে তরাসে কাঁদে ভীত প্রাণ মম ;  
সুদূর গগনস্পর্শী পর্কতের সম  
উত্তুঙ্গ তরঙ্গরাশি আসে ভীমাকার,  
ডুবাতে অভাগা মোরে অতলে অপার !  
আর কেন—এস সখা, এস একবার—  
অঙ্গুলি-সঙ্কেতে, সব বিপদে আমার,  
বিত্রস্ত করিয়া দাও ! এস প্রিয়তম,  
উজ্জল জ্যোতিতে তব, তৃণ খণ্ড সম  
ভস্ম করি ফেল সবে ; তেমনি আবার  
করে লও রিক্ত মোরে চিত্র পূর্ণতার !  
ধায় বেগে শত ভীতি করিতে আঘাত—  
ক্ষুদ্র মন, স্তব্ধ দেহ, আসে অবসাদ !



## প্রার্থনা

দেখিতে দাও হে ভুবন-মোহন,  
তোমাতে নম্রন ভরিয়া ;  
কৃপা করি লও হে মনোহরণ,  
আমার সকল হরিয়া !  
তোমার মোহিনী-রাগিনী-আলাপে  
শ্রুতিযুগ দাও পুরিয়া ;  
যাক্ ধ্বনি সব নিখর নীরব  
সে প্রণব রাগে মরিয়া !  
পরশমাণিক-চরণ-পরশে  
সোনা কর জ্যোতি করিয়া,  
চরণ-সরোজ-গন্ধে রাখিয়া  
নাসিকা পূর্ণ করিয়া !  
রসনায় দাও শকতি, রহিতে  
আরতির গানে মাতিয়া ;  
প্রেম-গৌরব-মুক্ত-মানসে  
আসন লহগো পাতিয়া ।

## আকর্ষণ

ধীরে, অতি ধীরে, সোণার-স্বপন-ভরা তীরভূমি ছাড়ি’  
সিঞ্চুর ঢেউ-বন্ধুর পথে অর্ণবযান

দিতে যায় যবে পাড়ি ;

প্রতিকূল-বায়ু-পরশে পতাকা তার,

শিহরিয়া চায়, পারাবার হ’তে পার,

ফিরে চেয়ে দেখে, নিষ্ফল-বাথা, নিগূঢ়-আবেগে কাঁপি ;

তেমনি, প্রতুল প্রিয়জন অবহেলি’

প্রণয়ের দৃঢ় বন্ধন ছিড়ে ফেলি’

করিতে গমন অশাস্ত মন করে যেন দাপাদাপি,

ব্যথায় বন্ধু চাপি !

কন্দ-বিপাকে ঘুরিফিরি যবে নব নব দেশে যাই,  
 যাহু-ক'রে-লওয়া মাধুরিমা-শোভা নয়নের অগে  
 কত দেখি, সীমা নাই !  
 প্রকৃতির ফুল-মাধুর্য্য-পর্য্যাবি'  
 সহজ-সরল সুন্দর যথা সবই,  
 দেখি আর দেখি, বিশ্বয় একি ! প্রাণ খুঁজে নাহি পাই !  
 ভাবি, এই শোভা-মাঝারে প্রভু আমার,  
 দাও প্রিয়জন, বুকে রাখি' দেহভার,  
 শেষ আরামের নিঃশ্বাস ফেলি' মরিয়া বাচিয়া যাই !  
 আর কিছু নাহি চাই ।

পথিক যেমন চলিতে চলিতে নিরখি' পূর্য্যাবাকাশে,  
 তিমির-তুলিকা-অঙ্কিত কালি গাঢ় হতে যেন  
 গাঢ়তর হ'য়ে আসে !—  
 উন্মনা শুধু পিছনে ফিরিয়া চায়,  
 পশ্চিমাকাশে যদি সে দেখিতে পায়,  
 ক্লীণায়মান এক রশ্মি তখনো মৃহজ্যোতি পরকাশে !  
 তেমনি, সুখের দিনগুলি অবসানে,  
 আঁধারের ছায়া ঘনাইয়া আসে প্রাণে,—  
 ব্যাকুল নয়নে ফিরে চাই মোরা, যা-গেছে-তা পা'ব-আশে,  
 বিফল বিশ্বাসে !

## দয়াময়

ওগো । শত প্রলোভনে দিশেহারা মোর  
জাগে নি কখনো মনে,  
কত আপনার হ'য়ে রয়েছ যে তুমি,  
মর্শ্বের মাঝখানে,  
নিভুতে নীরবে জুড়িয়া বসেছ  
ক্ষুদ্র হৃদয় থানি,  
পর্যাণের খোঁজ লই নি কখনো  
তাই কিছু নাহি জানি !  
বাহির জগতে, স্বার্থ-সাধনে  
যখন হইলু সারা—  
ব্যথার জ্বালায় ডাকিলে তোমারে  
অস্তরে দিলে সাড়া !  
ওগো প্রত্যয় দিয়ে, চেতনারে মোর  
বেশ ক'রে ঢেকে দাও—  
মরমের মাঝে যাহা কিছু আছে,  
তোমাতে মিশায় নাও !  
ওগো ! বিশ্বের সনে বেঁধে লও মোরে  
জড়ায় প্রীতির ডোর ;  
তব বিশ্বরূপের প্রেমময় ছবি  
চিত্তে জাগুক মোর !

## কামনা

সুখময় শব্দময় কোলাহল কোলে,  
ক্লীণ কণ্ঠে চাহি শুধু আত্ম-বলিদান ;  
আকুলতা-দীর্ঘশ্বাস মিশাতে অনিলে,  
চাহি শুধু ভুলিবারে তীব্র ভেদ জ্ঞান !

সুখের উন্মার্গগামী তীব্রতা ছাড়িয়া,  
চাহি হৃৎথে নির্ভরতা-পরিপূর্ণ মন,  
ধন মান আভিজাত্য—সব তেয়াগিয়া,  
যাচি শুধু ভিখারীর পবিত্র জীবন !

জ্ঞানের দাস্তিক স্বার্থ সূদূরে ফেলিয়া,  
চাহি আমি প্রেমময় সরল অন্তর ;  
বিলাসের মিথ্যা তৃপ্তি দূরে নিক্ষেপিয়া,  
চাহি আমি করমের কঠিন নিগড় !

চাহি শুধু বিপদের কঠোর আহ্বান,  
আর চাহি, প্রাণ মাঝে মুক্ত আত্মজ্ঞান !

## প্রেমবন্ধ

অগ্নি ব্যর্থ-আকাঙ্ক্ষিতা, অগ্নি মোর রাগি !  
কি মহা রহস্য নিয়ে আসিলে না জানি !  
জীবনের নিরুদ্বেগ নিশ্চল প্রভাত ;  
তখনো করে নি ভাব, রশ্মিরেখাপাত  
প্রাণের তারল্যে মোর ; ইন্দ্রধনু-রাগে  
জাগে নি সৌন্দর্য্য কারো, মুগ্ধ-অঁাখি-আগে !

সেই সে অবুঝ কালে, কে তুমি মোহিনী,  
 অক্ষুট প্রেমের দীর্ঘ শঙ্কিত কাহিনী,  
 কহিতে আমার কানে,—কোন্ স্বপ্নদেশে  
 রূপ-প্রেম-সমাহিত অভিনব বেশে,  
 মূর্তি পরিগ্রহ করি' নামিলে ধরায়,—  
 বাজিল মঙ্গল শঙ্খ, বরিতে ত্বরায় !  
 দেখিলাম তোমা,—কি সে, কহিতে না পারি,—  
 শিশুর আঁখির ভাষা !—কে কবে বিচারি'—  
 আছে কি না আছে তাহে গুপ্ত ভালোবাসা,  
 নির্ভরতা, নিবেদন, আকুল পিয়াসা !  
 জানি না ! তবুও কোন্ অপার্থিব বাণী,  
 শুনা'ল আমার কানে,—“এই সেই প্রাণী  
 যাহা বুঝি চাও তুমি,—যে চাহে তোমায়,  
 লহ গো বরিয়্যা এবে, প্রেম-গরিমায় ।”  
 তাই কি ! প্রেমিকা মোর ! কে কবে আমারে !—  
 অচেনায় আকর্ষণ জন্মিতে কি পারে !—  
 কে কবে আমারে,—জীব জনম অবধি,  
 চাহে কি না অনাপ্রাণ মুগ্ধ নিরবধি ।  
 দার্শনিক নহি,—নাহি জানি গবেষণা—  
 এই জানি, তুমি সিদ্ধি—প্রণয় সাধনা !  
 এই জানি, তুমি মহা রহস্য-বিজ্ঞান—  
 জীবনের-পরপারে-প্রেমবদ্ধ প্রাণ !

## রিক্ত

বুঝি না বিধির লীলা !—নিয়তি আমার,  
পুঞ্জীভূত করি' কোন্ মহা হাহাকার,  
করেছে সৃজন মোরে ;—সেই শুধু জানে,  
শিশিরাক্ত পদ্মসম, যাহার বিধানে  
প্রেম হয় বিকশিত পূর্ণ নিয়মল—  
পরিমিত্ত করে যবে স্বচ্ছ আঁখিজল !

আজ তুমি বহুদূরে ;—রাজেন্দ্র-ভবনে  
অচঞ্চল লক্ষ্মীসম,—বসন্ত পবনে  
চিরফুলগন্ধ সম,—কোন্ অজানায়,  
বন্ধ করি রাখিয়াছে কে যেন তোমায় !  
দূর দূরান্তর পারে, বিষণ্ণতা পাছে,  
একমুখী প্রেম সেই এখনও কি আছে !  
এখনও কি বাসনার সমাধির পরে  
বিন্দু বিন্দু অবিরল অশ্রুকণা ঝরে !  
এখনও কি সংসারের লুপ্ত প্ররোচনা,  
ব্যর্থ করে নাই তব সকল সাধনা !  
এখনও কি সাধি যদি—“ভুলে যাও”—বলে'  
চূর্ণ হ'য়ে যাবে তব হৃদয় তা' হলে !  
থাক তবে মহাধ্যানে, সাধিব না বাদ ;—  
ভক্ত হৃদি নাহি জানে ক্ষুদ্র অবসাদ !



## নাম-গান

নন্দিত করি' নন্দ-যশোদা, বিমোহি' বৃন্দাবন শোভায়,  
নন্দনবন গড়িল মাধব, কালিন্দি-কূলে—তমাল-ছায় !  
আজি সেই কেলিকদম্ব-মূলে ত্রিভঙ্গছবি শোভে না আর,  
ব্রজের কুঞ্জে ব্রজগোপালের মুরলী গাহে না নাম রাধার !—  
হরি বল আজি হরি বল সবে, নামগান সনে মিশায় প্রাণ !  
আবার বাজিবে মোহন বাঁশরী, আবার যমুনা ব'বে উজান !

কে প্রেমে মজায়ে ভক্তহৃদয় করিবে ধরণী সে রাসময়,  
কে গোবর্দ্ধন করিয়া ধারণ, ভয়ভীতজনে দিবে অভয় !  
কীর ননৌ নিয়া কাঁদিলে বসিয়া অধীর-আভীর-জননী-প্রাণ—  
ঢলায়ে মোহন চূড়া কে ছুটিবে, জাগায় রাখাল-সাথীর মান !

কে শুনাবে গীতা, ভাগবত গাথা ; মধুর তত্ত্ব-অমৃতাসার  
কে তুলি' আনিবে মস্থিত করি' বেদ-বেদাঙ্গ-সাগর অপার ।  
ভক্তির সনে জ্ঞান ও কৰ্ম্ম সাধনা শিক্ষা কে দিবে আর—  
বিপুলে বিরাট পুরুষ নেহারি গলিবে ভক্ত-নয়নে ধার !

ব্রকভানুসুতা মাধবীর মূলে অপেক্ষা করি নাহিক আর,  
মনোমাবে গুরু ঝঙ্কার তুলি' বাঁশরীর ধ্বনি বাজে না তার ;  
করে না দারুণ অভিমান, চাপি' মুখে হাসি, চোখে অশ্রুত ঠাম !  
'পদপল্লবমুদারং দেহি'—বলিয়া কাঁদিতো আসে না শ্রাম !

## হিন্দু-ললনা

উষার মতন লাবণ্যভরা উজ্জল আননে সহজ ভান,  
সারি সারি কাটি 'পুণ্যপুকুর', ত্রুত-পবিত্র বালিকা-প্রাণ ,  
সারা হৃদয়ের স্নেহ নিরমল,  
আদর, যত্ন,—যা-কিছু, সকল  
কবিতাময়ী সে, পুতুলে সঁপেছে, বিশ্ব তাহাতে ফলিত তার !  
ধৃত্য ধৃত্য হিন্দুললনা পূর্ণ মুরতি মধুরতার,  
অঙ্গে যাহার লক্ষ্মীর ছটা, কণ্ঠে বসতি ভারতী মার ॥

কিশোরী মোহিনী, মেঘাল দিনের স্থলকমলিনী-রূপের সার,  
সরলতা পরে সরমের আভা, সঙ্কোচে-রাঙা কপোলে তার !

কবির প্রাণের কবিতার মত,

সকলি তাহার অনুভব-গত,

অযুত প্রশ্ন উত্তরে—বাণী, অফুট চকিত মৃদু সেতার !

ধনু ধনু হিন্দুললনা, পূর্ণ মুরতি মধুরতার,

অঙ্গে যাহার লক্ষ্মীর ছটা, কণ্ঠে বসতি ভারতী মার ।

যুবতীর প্রাণে সীতা-সাবিত্রী আদর্শ সদা বিরাজমান,

তেত্রিশ-কোটি দেবপূজা তার, স্বামীর রাতুল চরণ ধ্যান !

প্রণয়ে পত্নী, আদরে ভগিনী,

স্নেহে বিলুলিতা জননীরূপিনী

সেবা, মাতৃহৃৎ, প্রেম ও পুণ্য, একের মাঝারে বিকাশ তার ॥

ধনু ধনু হিন্দুললনা, পূর্ণ মুরতি মধুরতার,

অঙ্গে যাহার লক্ষ্মীর ছটা, কণ্ঠে বসতি ভারতী মার ।

প্রবীণার প্রেমে কত গভীরতা, জগতে তৃপ্তি যেন না পায়,

অনন্ত ধরা ছাড়িয়া কিষে রে অনন্ত আছে, সে দিকে ধায় ;

সে যেন ধরার, ধরা যেন তার,

নয়নে উথলে কি স্নেহ উদার,

বুকের ছায়ায় ঢাকিবে সে যেন, জগতের যত বিষাদ-ভার !

ধনু ধনু হিন্দুললনা পূর্ণ মুরতি মধুর তার,

অঙ্গে যাহার লক্ষ্মীর ছটা, কণ্ঠে বসতি ভারতী মার ।

## রিক্তা

সধবা, তাহার সিঁথির সিন্দূর, সেবতার পূতবিভূতি-দান ;  
হাতের স্নগোল শাখায় নিহিত পুণ্য বিমল সরল প্রাণ,  
লাল-পা'ড়-দেওয়া-সাড়ী-অঞ্চলে  
শাস্তির হাওয়া উথলিয়া চলে,  
বিভ্রমহীন আনত আঁখিতে পুঞ্জিত করা সুষমাধার !  
ধৃত্য ধৃত্য হিন্দুললনা, পূর্ণ মুরতি মধুরতার,  
অঙ্গে যাহার লক্ষ্মীর ছটা, কণ্ঠে বসতি ভারতী মার ।  
জননী মধুর পীযুষের সাথে তনয়েরে করে শক্তি দান,  
আশায়, গরবে, শিখায় তাহারে, দেশের গরিমা, জাতির মান,  
শিখায়, জগতে যত কিছু আছে,  
সকলি তুচ্ছ জননীর কাছে,  
স্বধর্ম-তরে বীরব্রত সাধি জীবন-নিধন ত্রিদিব তার !  
ধৃত্য ধৃত্য হিন্দুললনা পূর্ণ মুরতি মধুরতার,  
অঙ্গে যাহার লক্ষ্মীর ছটা, কণ্ঠে বসতি ভারতী মার ।  
বিধবা, স্নিগ্ধ সংযমে-ভরা শাস্ত প্রতীমা কঠোরতার  
সংসারে থাকি' সংসার ছাড়া, বিপুলে-বিছানো হৃদয় তার ;  
সিন্দূর মত মুক্ত প্রবাহে,  
প্রেম সেবা দিয়ে ভাসাইতে চাহে ;  
কাব্যের মত, পুণ্যের গানে জীবন্ত করে প্রাণের তার !  
ধৃত্য ধৃত্য হিন্দুললনা পূর্ণ মুরতি মধুরতার  
অঙ্গে যাহার লক্ষ্মীর ছটা, কণ্ঠে বসতি ভারতী মার ।

## বেদনায়

ছিড়ে গেছে জগতের মরম-বাঁধন,  
স্বরে নাই সে মধুবন্ধার ;  
প্রাণহীন বীণা আজি নীরব-নিথর,  
স্বর বাঁধা ঘুচেছে তাহার !

উদ্বেলিত হৃদয়ের পরতে পরতে  
শ্রুশানের ছবি অঁকা সার,—  
লক্ষ্যহীন, আশাহীন, অন্ধকার-মাঝে  
অলে শুধু চিতার অঙ্গার !

ভীম যাতনার তরে একটু করুণা  
সেথা নাই,—প্রশান্ত তরল  
সনবেদনার অঁথি-চিরে-বারে'-পড়া  
এক ফোঁটা নাই অশ্রুজল !

শেষ জাগে প্রভাতের ভীষণ স্বপন,—  
শেষ আজ মরম-উচ্ছ্বাস,  
সব শেষ—সুখ, শান্তি, প্রেম, ভালোবাসা—  
চিতাভস্মে সবার প্রকাশ !

সেই সে শেষের মাঝে দীপ্ত জাগে শুধু  
গুটিকত অন্ধরের রেখা—  
“কালো এই জগতের একমাত্র দান—  
আলো নহে বিধাতার লেখা !”

## সমাপ্তি

কল্পনার রমা মোহে গুপ্ত বৃত্তিচয়,  
উচ্ছসি' অশান্ত মোরে, যবে করি' লয়,—  
রচি যত তৃপ্তি-মরীচিকা, শান্ত করি  
হৃদয়ের ; মুগ্ধ প্রাণে ক্ষণেক পাসরি  
বাহিরের সমুদয় ! এ বিশ্বসংসার  
সত্ত্বরজতম,—বোম, বেলা, পারাবার,—  
আপনার মাঝে, একে একে দেখে লই,  
চিনে লই সব ; ভাবি, আমি তুচ্ছ নই—  
আছে প্রাণ, আছে কৰ্ম, আছে স্বাধীনতা,—  
আছে সুবিস্তীর্ণ ক্ষেত্র—নগ্ন মধুরতা ;  
আছে সে মহান, আছে সেই মহীয়ান ;  
আছে পূর্ণ একত্বের চিত্র গরীয়ান !  
সুখ, স্তপাকার সুখ ; মধুর এমন,  
কাটে চুপি মোহময় জীবন-স্বপন ।  
মনে করি, থাক্ বিশ্ব অনিমিত্ত চাহি'—  
তৃপ্ত আমি, প্রিয় সনে, যাই চলি বাহি'  
তরণী আমার ; নিয়া শুধু ভালোবাসা,  
ফুটা'য়ে মানব-মনে শত গুত্র আশা ।  
সংসার বিষাক্ত হ'য়ে দুপাশে দাড়াক—  
জীবন আপন তেজে পথ ক'রে যাক্ !

---

সমাপ্ত ।













